


古今尺牘大觀
中編六



中華書局發行



社會交際，通情
達懷，端賴尺牘
。下列諸本，程
度有淺有深，文
言白話咸備。或
供模範，或資參
攷，各適其宜，
任憑選擇。

書信構造法	中華應用文件大全	尺牘釋例	古今尺牘大觀	分類歷代尺牘選粹	中華商業尺牘	中華尺牘大全答函	最新中華尺牘大全	通用婦女尺牘	評註中華女子尺牘	詳註通用尺牘	釋註中華普通學生尺牘	釋註中華初等尺牘	白話學生尺牘	白話商業尺牘
全一冊	布面一冊	全一冊 紙面洋裝九角	上中編各十二冊各一元二角 下編十六冊二元四角	精裝一冊 並裝四冊	全三冊	全一冊	布面一冊 紙面三冊	全二冊	全二冊	全四冊	全二冊	全二冊	全一冊	全一冊
二角	一元	二角	一元二角	二元九角	三角	六角	一元三角	四角	二角半	六角	四角	四角	二角	二角

梁任公著 常識文範

本連史印
全四冊

一元四角

是編選梁任公先生歷年名作凡科學倫理宗教政治經濟社會各項常識靡不備具先生之文顯豁呈露引人入勝讀之能啟迪普通知識兼可進窺文章之規範作爲學校課本或自修用書均甚相宜

中國大文學史

布面精裝
一冊

三元

吾國文學浩瀚作家如林學者欲登堂入室苦無專書問津致有徬徨岐途時倍而功半焉謝无量先生湛於國學學問文章世所景仰本書係先生傑作共分十章首叙論次上古次中古次近古次近世直迄於清末采西洋研究文學之法別其流派詳其時代狀況每家各繫小傳並附其著作一二篇加以批評理論新穎而多創見事實依據正史專集考核周詳爲治文學者之圭臬

中國婦女文學史

布面精裝
一冊

一元四角

夷考吾國文學史藉但主眼於男子不知巾幗之中亦多靈秀傑出之才其遺風餘韻非不可傳也梓潼謝无量先生有慨於此特將女子之經史文章詩詞歌曲擇其蜚英吐玉卓絕一時者廣爲搜羅上起周秦下迄有明以時繫人並各綴小傳紀其事略爲婦女文學史中放一異彩名媛淑女允宜人手一編

古今尺牘大觀 中編

第六冊

目錄

敘事類

干謁

宋柳開上竇僖察判書

宋胡宿上謝學士啟

宋石介代張顧推官上銓主書

宋蘇舜欽上孔待制書

宋蘇頌上中丞諫議書

宋蘇頌代人上樞密龐太尉書

宋劉攽爲伯父上集賢文相公書

宋曾鞏與撫州知府書

宋歐陽修上胥學士偃啟

宋王安石代人上凌屯田書

宋蘇軾上王兵部書

宋蘇轍上樞密韓太尉書

宋黃庭堅代人求知書

宋陳師道上林秀州書

宋張耒上孫端明書

宋鄭俠上致政歐陽少師書

宋劉跂代進士洗翱求見郡守書

宋劉跂上文潞公書

宋晁詠之上丞相曾子宣書

宋楊時見明道先生書

宋楊時代人上江令書

宋楊時代人上王令書

宋沈與求代人與尙提學啟

宋朱松上唐漕書

宋周紫芝爲人上管使君書

宋周紫芝爲人上米侍郎書

宋史浩上浙東游提舉書

宋楊萬里見蘇仁仲提舉書

宋倪樸筠州投雷教授書

宋李劉上趙茶馬啟

宋趙孟堅投泉使賈秋壑先生啟

明唐寅上吳天官書

明王慎中上唐魚石尙書書

明茅維上敬菴許公司馬書

辭謝

宋司馬光答聞喜馬寺丞中庸書

宋司馬光答孫長官察書

宋陳師道與秦少游書

宋朱熹與龔參政書

宋朱熹與韓尙書書

宋呂祖謙與虞丞相書

宋葉適與趙丞相書

宋黃榦辭再知安慶府書

宋陳文蔚鄱陽辭趙得勤知郡書

宋方岳回史督相啟

宋謝枋得與參政魏容齋書

元吳海與使者書

元倪瓚與蘇齋學士先生書

明宋濂答郡守書

明陳獻章與朱都憲第二書

明陳獻章復江右藩憲諸公書

明王守仁與安宣慰書

明陸深與潞郡公啟

明楊慎與郝溫泉書

明許相卿與泉亭吳維新少參書

明許相卿與汪瑤川大尹書

明文徵明與郡守肅齋王公書

明王慎中與安膠陽書

明羅洪先與吳蓀塘邑令書

明羅洪先謝卻嫺友祝年書

明唐順之答屠漸山諭德書

明唐順之與郭似菴巡按書

明唐順之答舒雲川巡按書

明唐順之與歐陽巡撫書

明唐順之與趙甬江司空書

明唐順之答華補菴書

明唐順之與卜無錫書

明錢薇復萬鹿園都督書

明張居正答湖廣巡按朱謹吾辭建亭書

明秦鎬辭建坊啟

古今尺牘大觀 中編

第六冊

杭縣姚漢章

纂輯

吳縣何實睿

敘事類

干謁

宋柳開上竇僖察判書

後二月五日。開再拜。謹奉書於執事。今之所謂進士者。天下幾百人。凡所能中有司之選者。其道有三。非材。非力。非智。卽不得從其列。斯三者。用能其一也。皆爲取名之良者矣。材者爲上。力者爲次。智者爲下。於三之中。苟復能參用其二者。卽譽之與位。舉不失矣。有能兼是者。由來鮮哉。夫所謂材者。文章也。力者。權勢也。智者。朋黨也。文章之用。固如金石。權勢之用。疾如風雷。朋黨之用。密如膠漆。士或學深

而行廣。辭古而道周。昭明足以不昧其光。執確足以能守其節。是來取名也。有司果肯遺其材之異乎。士或門崇而地峻。父貴而兄顯。榮辱足以擅動於世。上下足以盡歸於己。是來取名也。有司果敢拒其力之大乎。士或顏苟而心諛。跡勤而言媚。趨競足以巧結於衆。偷賤足以曲屈於氣。是來取名也。有司果能免其智之謀乎。如是者。果道之有其三矣。然以材而得之者。有譽而無謗。以力而得之者。有謗而無譽。以智而得之者。謗與譽也。俱泯然無所聞矣。何哉。材以衆伏。力以衆怒。智以衆和。其所以於其己也。亦各從其所以尙也。能以材之取其名者。其爲行也。常故日經久而譽增。業復修而位高。故曰上矣。如金石矣。能以力之取其名者。其爲行也。暴故始或盛而終衰。事雖成而德敗。故曰次矣。如風雷矣。能以智之取其名者。其爲行也。安故時旣平而道常進。莫知而退銷。故曰下矣。如膠漆矣。友朋間凡進於有司者。開常以是言告之。其取名之者。彼於得失也。無能逃脫於此。或三者之中。俱無一也。見其來而私懼焉。開本在魏東郊。著書以教門弟子。願有終焉之

志不幸邇來父兄以家貧令求祿以養生交朋以時享勉趨仕以專道故束帶冠髮編脩簡策欲陪士君子之下有冀望於名焉退而自度其己之於時也正在此常懼者耳謂其材也卽文章不合於俗尙謂其力也卽權勢不列於民忤謂其智也卽朋黨絕疎於世務如是求而望得也可不艱哉或謂子可從人以訪諸用決其得且失矣開遂北走是來願伏門下以冀執事之事進退之間唯執事之命耳故以是書敢爲贅業之先容也開再拜。

宋胡宿上謝學士啟

某聞昔士擁薦賢之轂有味其言至聖開隆道之門不與其退布在方策貽厥後昆是以青雲彌高猶垂可附之氣洪鐘善應不聞待叩之音若夫駿望逸羣高材拔萃惠訓不倦增激於懦夫教思無窮有警於淺俗領先覺之事業挺諸生之表儀偃伏下風講聞高誼惟日滋久乃心不忘逖瞻京兆之門恭贊許都之刺伏惟某官豐規冠世高藻凌雲蘊前識之道華履中庸之德範神檢清出降乎崧極之

靈。天。性。少。成。鍾。乃。奎。躔。之。粹。文。兼。三。變。之。體。學。富。九。家。之。流。邁。天。會。之。寔。昌。標。鄉。村。之。獨。秀。平。陽。充。賦。聯。八。對。以。飛。英。法。坐。試。言。射。甲。科。而。得。雋。茂。恩。加。等。貢。士。有。開。爰。當。精。汰。之。朝。式。隆。出。宰。之。寄。弦。歌。在。御。寬。小。過。而。字。民。鉅。刃。有。餘。批。大。郤。而。從。政。聊。爲。漸。陸。式。示。牽。絲。丕。變。一。同。之。風。洽。聞。三。異。之。化。屬。以。堯。雲。修。觀。漢。闕。拜。書。奏。東。朔。之。千。篇。名。聞。乙。牘。獻。子。美。之。三。賦。觀。若。堵。牆。更。生。之。言。有。補。於。當。世。子。雲。之。論。不。詭。於。聖。人。食。時。之。賦。立。成。洛。下。之。紙。翔。貴。羣。公。無。出。其。右。天。子。喜。同。其。時。故。得。度。越。衆。賢。對。揚。景。命。校。文。延。閣。動。太。一。之。威。神。掌。故。曲。臺。顧。后。蒼。之。典。禮。練。達。質。文。之。統。周。知。沿。革。之。綱。矧。復。奕。世。賢。多。家。公。望。重。處。霜。臺。之。鼎。貴。奉。雲。陛。之。旦。朝。周。公。拜。前。更。追。故。事。之。美。疏。傅。在。後。未。羨。曩。時。之。榮。會。稽。之。綬。旣。懷。承。明。之。廬。亦。厭。亟。分。半。刺。聿。貳。方。州。習。貫。政。經。用。儒。術。而。飾。事。沈。研。吏。道。宗。法。令。以。爲。師。潔。素。絲。以。在。公。緩。柔。轡。以。馭。下。道。素。自。處。刑。端。益。空。然。而。宣。室。懷。賢。方。佇。賈。生。之。對。淮。南。答。詔。當。用。長。卿。之。文。屬。兩。宮。求。治。之。辰。非。一。郡。淹。才。之。日。行。聞。三。節。之。

召入聯四戶之榮。延企之誠。中外攸若。如某者。實同康瓠。賤比多硯。管仲之器小哉。安能任大。汲黯之戇甚矣。胡可適時。徒以西學隆文。南魚發詠。思樂丞髦之選。勉懷潔己之風。引童刻以自持。壯夫竊笑。學鼠能而雖衆。一技不成。顧輪翮以莫堪。飭邊幅而奚用。爰披鳥跡之策。幾換鳳鳴之筭。仍且屢遘家艱。坐更歲舉。叔夜之不堪。滋甚。原生之將落。可憂。知己未伸。無林宗之三辟。治生不善。荒楊季之一廛。追時好而豈能謀藏身。而不暇。姑欲脫名聲之鎖。棄富貴之鞭。遠同魚鳥之羣。退避英髦之域。直以舜華載日。周命維新。三代同風。克用直心之道。四方有志。未慚橫目之民。庶幾尺蠖之伸。更礪鉛刀之割。伏遇大丞學士。輟從周衛。關掌使符。慶惟桑梓之邦。蒙被潤河之福。加以冲襟玉裕。泰宇淵淳。樂育人材。克盡吹枯之力。獎拔士類。重嘉溢美之辭。咸預屬於微猷。皆想見於風采。是用掣鈴下館。曳裾高門。不由左右之容。徑伸盤蹕之禮。苟或履錐可用。溝木未捐。回珠吐以見私。枉鱗毫而垂飾。圯橋跪履。無成孺子之名。南郡橫經。請誌先生之論。誓將謏薄。辱在

品題。

宋石介代張顧推官上銓主書

夫銓衡大柄。任也。其造物也。大化權也。其出祿也。大司命也。其萃材也。大林藪也。其任器也。大匠石也。夫朝持貨而出者。曰金珍。曰珠玉。曰犀象。曰綺縠。曰絲枲。曰布幣。犀象馬牛羊豕犬雉魚鼈之屬。蝦蟹之細。米鹽之品。菹醢之多。東暨日際。西暨月竈。南極丹崖。北極朔陲。相會而湊於五都之市。朝而聚。夕而虛。大小無不用也。鉅細無不取也。貴賤無不納也。短長無不收也。今夫銓管收天下之材也。亦猶市焉。顧今飾固陋之姿。操尋常之具。往立於銓管之下。猶鹽絺絲枲游於都市矣。豈以其細而遺之乎。亦從其貴賤而取之乎。都市待百貨而後盈。廣廈待羣材而後構。朝廷待衆人而後治。必金珍珠玉。然後受市常虛矣。必杞梓楸枿。然後取大。厦不立矣。必傑賢俊髦。然後用官常曠矣。顧顧頑材。凡質以片文隻字。隨羣隊而取一第。年且三十五而無聞焉。亦近乎夫子所謂不足畏者。策名乃八九年。纔成

三考無一絲之勞。半銖之績。施於國。及於民。夫復何爲者。固當碌碌隨衆人而出。處甘退守。乎無庸之軀。猶離所分。去衆人爭頭露腦。進說於執政者。前計不得已也。願借容足地。乞半刻景。使畢其辭。而後就誅戮。竊念顧天聖五年登第。初命通判軍事。推官未行。有先兄之憂。滿秩逢先君之喪。自江左扶護靈櫬。挈提諸孤。來歸鄉里。涉履艱苦。備極凶屯。喪制未畢。又失母氏。天窮於此。生意若何。而況先人遺其清白。家世傳於儒素。無洛陽二頃田。可耕而取利。又屬頻歲荒歉。百物翔貴。行服通四五年。聚族幾五十口。孩穉圍繞。衣食煎熬。心如石焉。積溜亦穿。腸如鐵焉。百鍊亦耗。局局焉。若置身檻穽。焉能不動也。噫。人有血氣。以動乎內。智勇以守乎外。有其時。得乎用。誰不能立功名也。若虎兕豈服於檻穽也。得出焉。萬萬敢前顧胸臆。盤折久。雖未脫。夫窮塞湮厄。且不甘盛時。明世晦晦。贖贖埋棄。草萊不能與夫耀耀者爭光明矣。故有是說。進於銓管之下。將雪夫屯遭而求亨通。惟閣下念之。

宋蘇舜欽上孔待制書

某月日某謹再拜獻書知府待制閣下。某竊以自夫子沒迄今數千百年。其教混淪閔誕。充格上下。斯須不可亡。天地得之。日星光明。不鬪食。山澤棣達而不童涸。幽則治鬼神。顯則嚴君親。使萬物各安其分。而無窘暴之心者。誠至矣哉。造物者宜世生哲人。以熾厥後。長國者宜不絕侯封。以尊其本。昔漢世韋賢家傳一經。猶繼爲公相。定國斷獄平允。猶高大其門。況聖人後者邪。故閣下幼而淑質。長而令聞。其學奧大而不雜。其言謹峻而切事。是天以明粹精剛之氣。鍾於閣下。將令紹述正教。而衍大之天下。士人實有望也。觀乎自給人主冠映當世。闊步臺閣。端持紀綱。弗顯諫以僥譽。弗枉節以求黨。姦兇之朋。脰縮面汗。鰓鰓然不敢抗法度。閣下有有力焉。其典吏部也。盡刮宿弊。專以白黑善惡爲己任。坐束吏手。日隳濫。伸賢而屈不肖。雖三公爲之。不出於是。奈何醜正多徒。害能以謗。旣而去職。識者韙之。其使匈奴也。專對以禮。嚴乎若神。不妄言而諂笑。不槃辟而雅拜。尊本朝而抑外。

夷得古良使之風焉。噫。閣下之事業。旣已顯白。而朝廷之用未充。天下之譽未洽。留滯方屏。浸移歲律。某竊惑焉。得非納士未廣。介潔無助者乎。夫有助者。庸人可。以獲聲稱。無助者。君子必也。受訾辱。古人詡詡而汲善渠渠而下士。是致德義日。益引望實日。益隆憂患無自入焉。如支體之護首。日枝葉之蔽本根。而藩垣之嚴。室廬也。晏子春秋曰。夫子居處惰倦。廉隅不正。季路原憲侍。血氣爲疚。志意未達。仲弓卜商侍。德未盛。行未厚。顏回騫雍侍。又孔叢子引夫子之言曰。吾有四友焉。得回也。門人加親。得賜也。遠方之士日至。得師也。前光後輝。得由也。惡言不及門。嗚呼。是人之助也。誠益哉。聖人且如是。況不逮者乎。閣下方以盛年壯猷。將康濟天下。而良助猶鮮。誠可憮然。設或纖人構讒。天子投杼。及是也。能爲閣下奮不顧身。明目張膽。論列湔洗。破羣毀而明忠節者。果何人哉。閣下其念之。苟能上循先聖之法。下恤愚夫之言。清而容物。介不拒善。則士不遠千里而求爲助焉。助且至。登大階。躋巖廊。可拱而俟也。某無似者。想望風采。爲日久矣。敢輒獻言。以爲謁見。

之具。雖欲自述節行。以干聽覽。竊聞古諺有之。虜自鬻。雖哀不售。士自眩。雖辯不納。顧惟大君子。察其材之淑慝。而進退之可也。鄙心無所私幸焉。某再拜。

宋蘇頌上中丞諫議書

某向以備幕府之僚吏。司縣邑之政令。伏江干而望門庭者。凡幾年矣。私自爲計。進不能奮起卓絕之技。以收顯名。退不能累異績立奇效。以躡榮仕。徒取絕於知己之門。以不得見役爲恨。近日將外臺之命。獲至於都門。夤緣素舊。始一拜堂下。未逮從容。而迫於簡書。不得再見風采。少敘懇懇。中心尙有願達者。蓄之滋久。將默而不陳。是重恐懼而忘厚德也。將輸而布之。是率爾而瀆於尊嚴也。與其默而有忘德之罪。孰若輸而受瀆尊之誚。與其退而有自絕之悔。孰若進而就妄言之責。執事其亦察而憐之。使得悉其愚慮。幸甚。某竊念昔之未仕也。家君與執事有同朝之好。故某得日趨侍於前。居則聆執事之法言。行則觀執事之儀範。如是者累年矣。執事矜其所爲。不見謂不可及。其舉於有司也。其予奪柄則執事操之。程

其言不以後於衆。是執事之於某也。愛亦甚矣。恩亦厚矣。某固以銘之。中心誓之。日暮期於後日。有以報見異之重矣。今者道途趨走。進退皇皇。然而無所適。愀然而歸。其舊局事卑冗之役。趨期會之務。其所以戚戚焉者。非敢憚煩辭賤而云然也。且金陵大邦。江寧爲劇邑。以某臨之。實非其任。雖然。未嘗以不肖而不盡其心。爲之謹疆場之政。則明其比。詳簡其追胥。爲之辨閭里之訟。則拔其豪猾。安其罷軟。除敝起廢。足以紓朒籍之艱。懲煩禁慝。足以清貪暴之源。有所不及。未嘗捨也。揣分摩己。豈當過有所求。今猶有所未釋者。蓋夙昔之願。未遂爲惡耳。念某生而承父師之訓。以簡編自娛。故嘗得幸於選擢。力有所困。終委下流。至於今。無以自奮。束於簿書。窘於刀筆。不得卒素業。成美名。上累明哲之知。爲恨已甚矣。以是鬱鬱而不能止也。非憚煩辭賤而云然也。其欲仰諸卿以求息肩之便邪。惟是筋力之疲。曾未暇伺候進退。尙安能飾語言以附會志意。乘人顏色以求賞愛哉。其欲靜而須命邪。則其蓄藏之未大。名譽之未光。恐遂汨沒於泥塗而不能成就其志。